

PREPORUKE EU I OPERATIVNI ZAKLJUČCI

sa drugog sastanka Pododbora za unutrašnje tržište i konkurenciju, uključujući zaštitu zdravlja i potrošača

1. BANKARSTVO, OSIGURANJE I DRUGE FINANSIJSKE USLUGE

1. EU je pozdravila usvajanje zakona o bankama na nivou entiteta i proces usklađivanja zakonskog okvira u BiH u toj oblasti.
2. BiH se poziva da usvoji državni zakon o osiguranju depozita.
3. Apeluje se na BiH da osigura neometano imenovanje članova odbora Agencije za osiguranje u BiH, kako bi se izbjegla dugotrajna nepopunjenost tih pozicija.
4. Apeluje se na BiH da osigura da predstavnik Centralne banke BiH učestvuje u pododboru radi diskusije o bankarskom sektoru u BiH.
5. BiH treba da osigura da entitetsko zakonodavstvo u potpunosti uključuje preporuke Agencije za osiguranje u BiH.

2. PRAVO PRIVREDNIH DRUŠTAVA, RAČUNOVODSTVO I REVIZIJA

6. EU je pozvala vlasti u BiH da usklade pravo privrednih društava u cijeloj državi.
7. Što se tiče revizije, predstavnici EU su podsjetili da će u cilju usklađivanja sa *acquis*-em EU, BiH morati uspostaviti jedinstveni nadzorni organ, koji će preuzeti odgovornost za nadzor nad ovlaštenim revizorima u cijeloj zemlji.

3. KONKURENCIJA

8. EU je preporučila da BiH nastavi sa usklađivanjem svog Zakona o konkurenciji i Zakona o državnoj pomoći sa *acquis*-em.
9. EU je preporučila ukidanje rokova za istraživanje predmeta vezanih za borbu protiv trustova (zabranjeni sporazumi i zloupotrebe dominantnog položaja).
10. EU je preporučila da se iz zakonodavstva o konkurenciji i o državnoj pomoći ukine uslov da se odluke mogu donositi samo ako ih podržava barem po jedan predstavnik svakog od konstitutivnih naroda ("etnički veto").
11. EU je preporučila da BiH usvoji nove procedure za lakše imenovanje predsjedavajućeg i članova Konkurencijskog vijeća i Vijeća za državnu pomoć.
12. EU je pozvala BiH da osigura da i Republika Srpska sufinansira budžet Vijeća za državnu pomoć, onako kako je propisano Zakonom. U suprotnom, pozvala je vlasti u BiH da razmotre uvođenje jedinstvenog izvora za finansiranje Vijeća za državnu pomoć, kao što je to slučaj sa Konkurencijskim vijećem.
13. EU je pozvala vlasti u BiH da ispoštuju član 71(7) SSP-a i brzo obezbijede regionalne statističke podatke na nivou NUTS-a II, te da naprave regionalnu kartu pomoći.
14. EU je pozvala BiH da ispoštuje svoje obaveze iz člana 71(6) SSP-a i ostvari brzi napredak u usklađivanju postojećih shema pomoći sa *acquis*-em.

4. ZAŠTITA POTROŠAČA I JAVNO ZDRAVLJE

15. EU je pozvala BiH da ubrza usvajanje zakonodavstva o zabrani pušenja na javnim

mjestima i ratifikaciju protokola o borbi protiv nezakonite trgovine duhanom.

16. EU je preporučila da BiH treba osigurati jednak pristup svih građana dobroj zdravstvenoj zaštiti.
17. Delegacija EU preporučuje da BiH po pitanju tvari ljudskog porijekla izbjegava nepotrebno dupliciranje nadležnih organa, inspekcija, nadzornih sistema i sistema sljedivosti, registara donatora, listi čekanja, registara subjekata i ustanova i pozvala na uspostavljanje efikasnijeg i manje rascjepkanog tehničkog i administrativnog sistema u ovoj oblasti.
18. EU poziva BiH da na centralnom nivou uspostavi djelotvornu i efikasnu koordinaciju protoka informacija, te dijeljenja znanja i ekspertize koju su stručnjaci iz BiH stekli u Evropskom centru za sprječavanje i kontrolu bolesti (ECDC), kroz obuke i tehničke diskusije među različitim nivoima vlasti.
19. EU poziva BiH da ECDC-u dostavi imena korisnika TESSy-a koji će učestvovati u izradi pilot izvještaja o hepatitisu A, gonoreji, groznici Zapadnog Nila, te u istraživanju Udruženja za zdravstvo o mjestima velike učestalosti zaraza u bolnicama i objektima za dugotrajno liječenje.
20. EU poziva BiH da osigura koordinaciju politika na centralnom nivou i ojača koordinacijsku ulogu Ministarstva civilnih poslova, npr. putem osnivanja više radnih grupa ili odbora za koordinaciju aktivnosti na konkretnim zdravstvenim pitanjima, kao što je provedba međunarodnih propisa o zdravstvu, HIV/AIDS i influenza.
21. EU je preporučila da BiH nastavi usklađivanje sa *acquis*-em o zaštiti potrošača.

5. JAVNE NABAVKE

22. EU je preporučila da BiH ubrza proces usklađivanja sa direktivama o javnim nabavkama i koncesijama iz 2014. godine.
23. EU je pozvala BiH da u svoje zakonodavstvo o javnim nabavkama uvede djelotvorne odredbe o borbi protiv korupcije i sukobima interesa.
24. EU je preporučila da BiH poboljša popunjavanje praznih pozicija i unaprijedi nivo kadrovske popunjenosti Agencije za javne nabavke i Ureda za žalbe.
25. EU je preporučila da BiH sa Evropskom investicijskom bankom nastavi tražiti moguća rješenja za nedostatak pravnih lijekova u predmetima nabavki koji uključuju korištenje sredstava EIB.

6. PRAVO POSLOVNOG NASTANA, SLOBODA PRUŽANJA USLUGA I PRIZNAVANJE STRUČNIH KVALIFIKACIJA STRANIH DRŽAVLJANA

26. EU je pozvala BiH da usvoji zakon o poštanskim uslugama i da izradi i usvoji strategiju razvoja poštanskih usluga.
27. EU je uputila energičnu preporuku BiH da ubrza aktivnosti na usklađivanju sa Direktivom o uslugama, naročito u FBiH.
28. BiH se potiče da pojača napore kako bi mapu puta iz 2015. godine o usklađivanju sa Direktivom 2005/36 (o uzajamnom priznavanju stručnih kvalifikacija) pretvorila u sveobuhvatnu strategiju, u skladu sa preporukama za naredne aktivnosti sa Odbora za stabilizaciju i pridruživanje iz 2017. godine.
29. BiH se potiče da nastavi analizu pitanja dvostruke registracije preduzeća i

eventualnih zahtjeva za dodatnu registraciju u entitetima, te – tamo gdje takvi zahtjevi postoje – da ih ukine.

7. PRAVO INTELEKTUALNOG VLASNIŠTVA

30. EU je pozvala BiH da pojača napore na djelotvornoj provedbi prava intelektualnog vlasništva.